

誠

齋

集

誠齋集卷第五

廬陵楊萬里廷秀

詩

江湖集

看雪

採雲剪水作風色，夜落連明肯便休。
舊說六花元未試，偶看一片上駝裘。

送曾秀才歸永豐

白茅柴強作春青，燈火夜相親。
起然侶子真翹楚，舊矣逢人誦過秦。
覓舉不應專嗜古，能文安

得却嫌貧射科速化誰無術誤向南溪更問津

寄題鄒公橋

吾儕一事辨不曾鄒公一橋了此生省齊先生三
大字此橋便有千載意今年天亦與護持桃花春
水不多肥濟川題柱吾無夢借新橋作釣磯

贈曾相士二首

富貴真成一聚塵飢寒選得萬年名心知那有揚
州鶴更問儂當作磨生

拋了儒書讀相書却將冷眼看諸儒曾生肯伴誠
齋否共箇漁舟入五湖

題蕭端履和樂堂

玉筍風回峽山兩兩公對床方軟語少公一生吟
樣臞長公半醉少公扶白頭兄弟不多有面如橘
紅不關酒紫荊花開連理枝孝友未要時人知

昌英知縣叔作歲坐上賦瓶裡梅花時坐
上九人七首

銷水作水旋成家猶似江頭竹外斜試問坐中還
幾客九人而已更梅花

膽樣銀瓶玉樣梅此枝折得未全開為憐落莫空
山裡喚入詩人兒案來

酒兵半已卧長瓶更看梅兄巧盡情醉擲寒花望
松雪人間曾有箇般清

寒盡春生夜未央酒狂之似醒時狂吾人何用餐

烟火揉碎梅花和蜜霜

予取糖霜芒以梅花食之其香味如蜜漬青梅小苦

而

衣染龍涎與麝臍裁雲剪月作水肌小瓶雪水無
多子只簪橫斜一两枝

雪凍霜封稍欲殘慙慙折向坐中看綺疏深閉珠
簾密不遣花愁半點寒

梅香不是不寒清參遍橫枝酒未醒夢入西湖疎

影裡覺來失却冷泉亭

戊子正月六日雷兩感歎示壽仁子

今晨忽雷兩天地又發春草木悶紅綠生意察已
欣蟄蟲且徐動餘寒未全仁先生起畏頭三嘆一
再輦春風吹萬物不吹先生貧靖怨一束書只博
兩袴塵自倚文字工竟取造物嗔小兒在傍笑笑
我浪苦辛去年作客子椒柏羨主人在家不差勝
更用愁此身先生亦一莞我不如兒真為我滿眼
酤不問醕與醇杖頭日百錢無錢借諸隣不然衣
可典及此花柳新

人日詰朝從昌英叔出謁

四序各自佳要不如春時何必花與柳始愛春物
熙今晨駕言出從公南山西泥軟屨自愜風嫩面
不知寒草動暖芽晴山餘兩姿水日亦相媚蹙紋
生碎暉鳥聲豈為我我聽偶自怡出門初憚煩載
塗乃忘歸但令我意適豈按出處為路人見我揖
屬我有所思我不見其面信口聊應之徐悟恐忤
物敬謝已莫追我率或似傲彼愠獨得辭

暮宿半塗

朝日在我東夕日在我西我行日亦行日歸我未

歸勢須就人宿遠近或難期平生太踈放似黠亦
似癡如何今日行不以含枕隨幸逢春小暄倒睡
莫解衣借令今夕寒我醉亦不知

次日醉歸

日晚頗欲歸主人苦見留我非不能飲老病怪觥
籌人意不可違欲去且復休我醉彼自止醉亦何
足愁歸路意昏昏落日在嶺陬竹裡有人家欲憩
聊一投有叟喜我至呼我為君候造以我非是僞
笑仍掉頭機心久已盡猶有不平鷗田父亦外我
我老誰與遊

上元夜里俗粉米為繭絲書古語置其中
以占一歲之福禍謂之繭卜因戲作長句

去年上元客三衢衝兩看燈強作娛今年上元家
裡住村落無燈惟有兩隔溪叢祠稍簫鼓不知還
有遊人否兒女炊玉作繭絲中藏吉語默有祈小
兒祝身取官早小女只求蠶事好先生平生笑兒
癡逢場亦復作兒嬉不顧著脚金華殿不願增巢
上林苑只哦少陵七字詩但得長年飽喫飯心知
繭卜未必然醉中得卜喜欲癡

送蕭仲和往長沙見張欽夫

蕭家伯氏難為兄蕭家仲氏難為弟御史子孫今
有誰眼中乃見此二士阿兄采蘭壽梅堂阿弟東
書參蜀張聖門九鑰天為守玉匙密付蜀張手子
到長沙渠門儂為言真成一老翁功名妄念雪銷
了只愛吟詩惱魚鳥子歸好在中秋前看子新年
勝故年

送鄒元升歸安福

我肯見子廬溪南烟如玉雪照晴嵐子今訪我南
溪北凜如駮驥成骨骼袖中文字細作行讀來病
眼生寒光火新句子入時樣故應破陣翰墨場春

風春雨春山路喜子能來愁子去故人一別二十
年且對青燈夜深語

和昌英叔雪中春酌

南溪春寒強似冬南溪春水走玉虹雷公戲手行
春雪詩人嘲詞便飛屑只嫌春雪趁春雷春容止
要渠栽培凍作玉花銷作雨多般點綴春庭戶酒
盃如海醉即休醉中看雪忘却愁如何呼酒不痛
飲可令詩肩受凍凜少時狂殺老更狂長恐此意
墮渺茫醉鄉有地分一席且與先生十分梨花注

太白

送劉生談命

學兵先學策談命先談格君看前輩富貴人豈與
寒士校日辰星家者流有劉子進人退人若翻水
談何容易驗他年却是直言差可喜

和曾克俊惠詩

眼底春光正入年社前燕子已言旋兩多厭聽鳩
夫婦病起全踈酒聖賢旧喜作詩今已懶君能得
句我先傳略無好語儻嘉惠只麼從權只麼推

和胡侍郎見簡

花邊雪裡撚霜髭怪底詩來妙一時聊復小吟開

後悟便應大用到前疑先生此曲難先和著句如
甚且著持每望南雲尺有咫其人甚遠只嗟咨

贈彭雲翔長句

讀書臺邊士如雲廬溪門下士如麟定知此地難
為士後來之秀說彭子雪裡能來訪我為當塔下
馬雪滿衣贈我文章無不有出入歐蘇與韓柳如
今場屋號作家相州紅纈洛中花豈如彭子有律
令會當一書取張景今年誰子司文柄

和賀升卿雲菴升卿膏上書北闕既歸去
歲寄此詩今乃和以報之

賀子胸中自有山結菴山底更雲間遺才只道今
無許此士如何尚著閑未應萬言直杯水向來九
虎守天關莫嫌久不還詩債詩債從來隔歲還

送昌英叔知縣之官麻陽

政坐詩無半點塵天令著句錦江春遠民蒙惠即
真學漫仕緣親非為身許日相從今恨少先生此
別我誰隣不應更作徒勞嘆廊廟方尋密縣人

和周子中病中代書之韻兼督胡季文季
永游山之約

吟外今何病愁邊我索居昔無今樣懶新久故人

書只說遊山去誰令作計踈衡廬負我輩我輩負
衡廬

除夕前一日絕

雪留遠嶺半尖白雲漏斜陽一線黃天肯放晴差
易耳慙慙剩覓幾朝霜

己丑上元後晚望

雪裡晴偏好寒餘暖尚輕山煙春自起野燒暮方
明又是元宵過端令病骨驚遣愁聊覓句得句却
愁生

送文黼叔圭簿之官松溪

乃翁只解日爭暉不解塵中脫叔兮揚簿故應過
習簿建溪好處說松溪此行詩句何須覓滿路春
光總是題飛上金鸞穩安脚竹林分付一鶯啼

送周仲覺訪來又別

酒邊詩裡久塵埃見子令人病眼開無夕不談
不睡看薪成火、成灰小留差勝忽、別欲去何
如莫、來渠政功名我巖岳老身誰子共歸哉

休日晚步二絕句

未須急訪社中狂且到西園探海棠今歲行春雖
較晚也勝兩裡度春光

晚雲欲雨又欲晴天借吾人作此行莫道行春無
去處山磬香裡聽溪聲

寒食前三日行脚遇雨

信脚那知遠雖勞亦快哉如何寒食近無數野花
開碧草望中去黑雲頭上來吾行吾自返雨子不
須催

和張器先十絕

舊聞我里子張子七字端能出六奇窮巷有門無
剝啄怪來佳客肯差池

向來一別十番秋消息中間風馬牛只道故人霄